



PEKELILING
LEMBAGA PELESENAN KENDERAAN PERDAGANGAN SARAWAK
BILANGAN 5 TAHUN 2025

DASAR LESEN PEMBAWA C

1. TUJUAN

Pekeliling ini bertujuan untuk memaklumkan keputusan Lembaga Pelesenan Kenderaan Perdagangan Sarawak (selepas ini dikenali sebagai “**LPKP Sarawak**”) berkenaan penetapan dasar Lesen Pembawa C di Sarawak.

2. TAKRIFAN

Dalam pekeling ini, melainkan jika konteksnya menghendaki makna yang lain—

‘**Lesen Pembawa C**’ ditakrifkan sebagai kelas lesen yang membolehkan pemegangnya menggunakan kenderaan dibenarkan bagi membawa barangan sendiri bagi atau berhubung dengan apa-apa perdagangan atau perniagaan yang dijalankan olehnya, tetapi hendaklah menjadi suatu syarat lesen itu bahawa tiada kenderaan yang pada masa itu suatu kenderaan dibenarkan akan digunakan bagi membawa barangan untuk sewa atau upah selain daripada barangan yang dijual dan diserahkan oleh pemegang lesen itu di bawah suatu kontrak jualan di mana suatu caj dibuat bagi penyerahhantaran barangan tersebut;

‘Lesen Pembawa A’ ditakrifkan sebagai kelas lesen yang membolehkan pemegangnya menggunakan kenderaan dibenarkan bagi membawa barangan untuk sewa atau upah bagi atau berhubungan dengan apa-apa perdagangan atau perniagaan yang dijalankan olehnya sebagai pembawa barangan;

‘Permohonan Semula’ ditakrifkan sebagai permohonan memperbaharui lesen yang dibuat selepas tarikh akhir tempoh sah laku lesen; dan

‘Lesen Perubahan Sementara (LPS)’ ditakrifkan sebagai kelulusan permohonan pengubahan lesen atau syaratnya di bawah Seksyen 22, Akta Lembaga Pelesenan Kenderaan Perdagangan 1987 [Akta 334] berhubung kawasan operasi.

3. DESKRIPSI PERKHIDMATAN LESEN PEMBAWA C

- 3.1. Lesen Pembawa C membolehkan pemegangnya membawa barang-barang milik pemegang lesen sendiri. Barang-barang yang dimaksudkan ialah barang-barang yang diperniagakan atau yang berkaitan dengan perniagaan yang dicatatkan sewajarnya dalam Lesen Perdagangan, Maklumat Korporat Suruhanjaya Syarikat Malaysia (SSM), Akta atau Ordinan Badan-badan Berkanun.
- 3.2. Lesen Pembawa C tidak boleh digunakan untuk mengangkut barang orang lain sama ada secara percuma atau mengambil upah.
- 3.3. Kawasan operasi Lesen Pembawa C adalah mengikut alamat Lesen Perdagangan dan dibahagikan mengikut Zon LPKP Sarawak seperti berikut:
 - (a) Zon Kuching - meliputi Bahagian Kuching, Samarahan, Serian, Sri Aman dan Betong.
 - (b) Zon Sibu - meliputi Bahagian Sibu, Sarikei, Mukah dan Kapit.
 - (c) Zon Miri - meliputi Bahagian Miri, Bintulu dan Limbang.

- 3.4. Lesen Pembawa C adalah tertakluk kepada apa-apa arahan atau apa-apa peruntukan perundangan yang ditetapkan oleh Kerajaan dari semasa ke semasa.
- 3.5. Pembinaan dan penggunaan kenderaan barangan hendaklah mengikut Kaedah-Kaedah Kenderaan Motor (Pembinaan dan Penggunaan 1959) [LN170/1959].

4. KETETAPAN DAN SYARAT-SYARAT PERMOHONAN BAHARU LESEN PEMBAWA C

- 4.1. Pemberian lesen adalah secara terbuka kepada perniagaan Pemilikan Tunggal, Perkongsian, Syarikat Sendirian Berhad, Syarikat Berhad, Pertubuhan, Koperasi, Badan Berkanun dan Syarikat Berkaitan Kerajaan (*Government Link Company*).
- 4.2. Pemilikan ekuiti bagi syarikat yang memohon Lesen Pembawa C dibenarkan sehingga 100% pemilikan ekuiti bukan penduduk negeri dan / atau bukan warganegara.
- 4.3. Tiada had bilangan lesen bagi Syarikat Sendirian Berhad, Syarikat Berhad, Pertubuhan, Koperasi, Badan Berkanun dan Syarikat Berkaitan Kerajaan (*Government Link Company*).
- 4.4. Perniagaan Pemilikan Tunggal dan Perkongsian hanya dibenarkan untuk memiliki 10 lesen kenderaan barangan (termasuk Lesen Pembawa A dan Lesen Pembawa C). Untuk tujuan kejelasan, padanan 1 Penggerak Utama dan Semi Trailer adalah dikira sebagai 1 kenderaan barangan.
- 4.5. Nisbah penetapan lesen bagi Penggerak Utama dan Semi Trailer adalah 1:1.

- 4.6. Pendaftaran perniagaan adalah seperti bidang perniagaan (*nature of business*) yang didaftarkan pada Lesen Perdagangan, Maklumat Korporat Suruhanjaya Syarikat Malaysia (SSM), Akta atau Ordinan Badan-badan Berkanun.
- 4.7. Modal terkumpul atau pusingan (operasi) sekurang-kurangnya 30% daripada harga kenderaan baharu atau terpakai.
- 4.8. Modal berbayar Syarikat Sendirian Berhad dan Syarikat Berhad tidak kurang daripada RM100,000.00 untuk memiliki 100 lesen dan ke bawah serta RM250,000.00 untuk memiliki 101 lesen dan ke atas.
- 4.9. Tempoh sah laku lesen adalah selama 5 tahun.
- 4.10. Tempat letak kenderaan perdagangan (depoh) adalah mencukupi dan sesuai mengikut bilangan kenderaan yang dimohon dan disahkan oleh Pihak Berkuasa Tempatan (PBT). Depoh perlu disediakan mengikut kawasan operasi perkhidmatan.
- 4.11. Bebas saman daripada Jabatan Pengangkutan Jalan (JPJ) dan Polis Diraja Malaysia (PDRM).
- 4.12. Dokumen sokongan untuk membuktikan terdapat penjualan dan pembelian barangan.
- 4.13. Bagi kenderaan barangan yang mempunyai BDM melebihi 7,500KG perlu melesenkan kenderaan di bawah Lesen Pembawa C.
- 4.14. Bebas daripada kebangkrapan / penggulungan.

4.15. Pemasangan *Global Positioning System* (GPS) bagi setiap kenderaan barangan berdasarkan kriteria 3 bintang program Trackscore MIROS dan ketetapan LPKP Sarawak iaitu:

- (a) Syarikat pembekal GPS perlu menyimpan data selama satu (1) tahun, dan semua data hendaklah disalinkan secara pendua (*mirrored*) ke pelayan (*server*) yang akan ditetapkan oleh LPKP Sarawak;
- (b) Syarikat pembekal GPS yang digunakan oleh pemegang lesen hendaklah mempunyai pusat sokongan teknikal yang beroperasi di Sarawak;
- (c) Syarikat pembekal GPS yang dilantik oleh pemegang lesen perlu membuka *Application Programming Interface* (API) bagi tujuan integrasi dengan Platform Berpusat yang akan disediakan oleh LPKP Sarawak (jika ada) pada masa hadapan. Caj platform adalah ditanggung oleh pemegang lesen (sekiranya ada); dan
- (d) LPKP Sarawak hendaklah diberikan akses penuh kepada sistem GPS tersebut untuk tujuan pemantauan dan pengauditan.

4.16. Pihak Lembaga berhak untuk menetapkan syarat-syarat tambahan di dalam permohonan lesen baharu.

5. DOKUMEN YANG DIPERLUKAN BAGI PERMOHONAN BAHARU ATAU TAMBAHAN LESEN PEMBAWA C

5.1. Bagi Perniagaan Pemilikan Tunggal dan Perkongsian

- (a) Salinan Lesen Perdagangan— Borang I (Ordinan Perniagaan, Profesion dan Perlesenan Perdagangan)(I.R.D No.7— Pind.1/86) masih dalam tempoh sah laku;
- (b) Salinan Sijil Pendaftaran (Ordinan Nama-Nama Perniagaan – Bab. 64) (R.22—Pind.1/86);
- (c) Salinan Dokumen Pendaftaran—Pengesahan Pendaftaran Nama Perniagaan (*Extract Copy of Registration of Business Name*)/ Cabutan Pendaftaran Nama-Nama Perniagaan; dan / atau

- (d) Maklumat Korporat Suruhanjaya Syarikat Malaysia (SSM) bagi perniagaan perkongsian yang berdaftar dengan SSM.

5.2. Bagi Syarikat Sendirian Berhad dan Syarikat Berhad

- (a) Salinan Lesen Perdagangan— Borang I (Ordinan Perniagaan, Profesion dan Perlesenan Perdagangan)(I.R.D No.7— Pind.1/86) masih dalam tempoh sah laku;
- (b) Maklumat Korporat SSM;
- (c) Borang 9 Akta Syarikat 1965 (Perakuan Pemerbadanan Syarikat Sendirian);
- (d) Borang 8 Akta Syarikat 1965 (Perakuan Pemerbadanan Syarikat Awam); dan / atau
- (e) Perakuan Pemerbadanan Syarikat Awam / Sendirian Akta Syarikat 2016.

5.3. Bagi Pertubuhan

- (a) Salinan Sijil Pendaftaran (Seksyen 7, Akta Pertubuhan 1966); atau
- (b) Salinan Perakuan Pendaftaran (Seksyen 7 Ordinan Koperasi Sarawak Bab 66 Tahun 1949); dan
- (c) Salinan Lesen Perdagangan— Borang I (Ordinan Perniagaan, Profesion dan Perlesenan Perdagangan)(I.R.D No.7— Pind.1/86) masih dalam tempoh sah laku;

5.4. Bagi Koperasi

- (a) Salinan Perakuan Pendaftaran Koperasi (Akta Koperasi 1963).

5.5. Bagi Badan-Badan Berkanun

- (a) Akta atau Ordinan penubuhan syarikat; atau
- (b) Undang-undang Tubuh Kerajaan Negeri.

- 5.6. Resit / invois / nota penghantaran (sekurang-kurangnya 3 salinan yang berbeza), salinan kontrak perkhidmatan atau Surat Perakuan Tawaran sebagai bukti barangan yang hendak dibawa dan kawasan operasi mengikut zon yang telah ditetapkan di Perkara 3.3. . Salinan kontrak perkhidmatan atau Surat Perakuan Tawaran perlu jelas menyatakan tempoh sah laku (tempoh mula dan tamat kontrak) dan perlu disetemkan.
- 5.7. Pengesahan Pihak Berkuasa Tempatan (PBT) untuk tempat letak kenderaan (depoh) tidak melebihi 6 bulan dari tarikh mesyuarat lembaga.
- 5.8. Pengesahan bebas saman daripada JPJ dan PDRM tidak melebihi 3 bulan dari tarikh mesyuarat lembaga.
- 5.9. Keputusan carian status kebangkrapan / penggulungan daripada Jabatan Insolvensi Malaysia tidak melebihi 3 bulan dari tarikh mesyuarat lembaga.
- 5.10. Satu (1) bulan penyata kewangan terkini (perlu disahkan oleh pihak bank dan tidak melebihi 3 bulan dari tarikh mesyuarat lembaga) atau sijil pemilikan kenderaan atas nama syarikat yang memenuhi syarat untuk dilesenkan.

6. KETETAPAN DAN SYARAT-SYARAT PENGELUARAN LESEN

- 6.1. Permohonan pengeluaran lesen dikemukakan sebelum tamat akhir sah laku Surat Tawaran Kelulusan (STK). Dokumen yang perlu disertakan untuk permohonan pengeluaran lesen adalah seperti berikut :
 - (a) Laporan PG11A;
 - (b) Surat Tawaran Kelulusan (STK);
 - (c) Laporan pemeriksaan Pusat Pemeriksaan Kenderaan Motor (PPKM);
 - (d) Pengesahan kefungsian dan laporan *Speed Limitation Device* (SLD);

- (e) Surat pengesahan pemasangan *Global Positioning System* (GPS) mengikut ketetapan LPKP Sarawak seperti di Perkara 4.15.;
- (f) *Certificate of Excellence* Program Trackscore MIROS dan akses kepada sistem GPS; dan
- (g) Sijil pendaftaran kenderaan terkini.

7. KETETAPAN DAN SYARAT-SYARAT PERMOHONAN MEMPERBAHARUI LESEN PEMBAWA C

7.1. Permohonan memperbaharui lesen dikemukakan sebelum tarikh akhir tempoh sah laku lesen. Pemegang Lesen dibenar untuk mengemukakan permohonan memperbaharui seawal 1 tahun sebelum atau selewat-lewatnya pada tarikh akhir tempoh lesen.

7.1.1. Pemohon perlu mengemukakan dokumen seperti berikut:

- (a) Pendaftaran perniagaan adalah seperti bidang perniagaan (*nature of business*) yang didaftarkan pada Lesen Perdagangan masih dalam tempoh sah laku, Maklumat Korporat Suruhanjaya Syarikat Malaysia (SSM) Akta atau Ordinan Badan-badan Berkanun;
- (b) Sijil Pemilikan Kenderaan (VOC) terkini;
- (c) Lesen Kenderaan Motor (LKM) masih dalam tempoh sah laku;
- (d) Laporan pemeriksaan di PPKM yang dilantik oleh Kerajaan dan masih dalam tempoh sah laku;
- (e) Pengesahan kefungsiian dan laporan SLD;
- (f) Surat pengesahan pemasangan GPS mengikut ketetapan LPKP Sarawak seperti di Perkara 4.15;
- (g) *Certificate of Excellence* Program Trackscore MIROS dan akses kepada sistem GPS;
- (h) Penyata kewangan teraudit sekurang-kurangnya tahun semasa atau tahun sebelumnya; dan
- (i) Laporan prestasi tahun sebelumnya.

- 7.2. Tempoh kelulusan memperbaharui lesen adalah selama 5 tahun maksimum.
- 7.3. Tempoh kelulusan memperbaharui lesen adalah selama 3 tahun bagi lesen pembawa yang mempunyai rekod berdenda.
- 7.4. Tempoh kelulusan memperbaharui lesen adalah selama 1 tahun bagi LKM telah tamat tempoh, dengan syarat laporan pemeriksaan di PPKM masih dalam tempoh sah laku.

8. KETETAPAN DAN SYARAT-SYARAT PERMOHONAN SEMULA LESEN PEMBAWA C

- 8.1. Permohonan semula lesen yang kurang 1 tahun dari tarikh akhir tempoh memperbaharui lesen.
 - 8.1.1. Pemohon perlu mengemukakan dokumen seperti berikut:
 - (a) Pendaftaran perniagaan adalah seperti bidang perniagaan (*nature of business*) yang didaftarkan pada Lesen Perdagangan masih dalam tempoh sah laku, Maklumat Korporat Suruhanjaya Syarikat Malaysia (SSM) Akta atau Ordinan Badan-badan Berkanun;
 - (b) VOC terkini;
 - (c) Laporan pemeriksaan di PPKM yang dilantik oleh Kerajaan dan masih dalam tempoh sah laku;
 - (d) Pengesahan kefungsian dan laporan SLD;
 - (e) LKM masih dalam tempoh sah laku;
 - (f) Surat pengesahan pemasangan GPS mengikut ketetapan LPKP Sarawak seperti di Perkara 4.15.;
 - (g) *Certificate of Excellence* Program Trackscore MIROS dan akses kepada sistem GPS;

- (h) Penyata kewangan teraudit sekurang-kurangnya tahun semasa atau tahun sebelumnya; dan
 - (i) Laporan prestasi tahun sebelumnya.
- 8.2. Permohonan Semula Lesen melebihi 1 tahun dari tarikh akhir tempoh memperbaharui lesen.
 - 8.2.1. Permohonan ini mengikut ketetapan dan syarat-syarat permohonan baharu Lesen Pembawa C; dan
 - 8.2.2. Pemohon hendaklah mengemukakan dokumen yang diperlukan seperti di Perkara 5 (kecuali bagi perkara 5.10) dan dokumen tambahan iaitu penyata kewangan teraudit sekurang-kurangnya bagi tahun semasa atau tahun sebelumnya serta laporan prestasi tahun sebelumnya.
- 8.3. Kelulusan permohonan semula lesen dikenakan denda mengikut kadar yang diluluskan.
- 8.4. Tempoh kelulusan permohonan semula lesen adalah selama 3 tahun maksimum.
- 8.5. Tempoh kelulusan permohonan semula lesen adalah selama 1 tahun bagi LKM telah tamat tempoh, dengan syarat laporan pemeriksaan di PPKM masih dalam tempoh sah laku.

9. LESEN PERUBAHAN SEMENTARA (LPS)

9.1. Permohonan dan tempoh kelulusan diberi sehingga 1 tahun dengan mengemukakan dokumen berikut:

- (a) Surat penjelasan mengenai keperluan permohonan laluan sementara;
- (b) Resit / invois / nota penghantaran (sekurang-kurangnya 3 salinan yang berbeza), salinan kontrak perkhidmatan atau Surat Perakuan Tawaran ke sebagai bukti barangan yang hendak dibawa dan kawasan operasi sementara mengikut zon yang telah ditetapkan di perkara 3.3;
- (c) VOC atas nama syarikat;
- (d) Salinan Lesen Pembawa C yang masih dalam tempoh sah laku;
- (e) LKM masih dalam tempoh sah laku;
- (f) Lulus laporan pemeriksaan di PPKM yang dilantik oleh Kerajaan dan masih dalam tempoh sah laku;
- (g) Pengesahan Pihak Berkuasa Tempatan (PBT) untuk tempat letak kenderaan (depoh) tidak melebihi 6 bulan dari tarikh mesyuarat lembaga.

10. TARIKH KUAT KUASA

Pekeliling ini berkuat kuasa mulai 1 November 2025. Dengan berkuat kuasanya pekeling ini, **ia membatalkan Pekeliling LPKP Sarawak yang berkaitan dengan Lesen Pembawa C sebelum ini dan terdahulu.**

11. PENUTUP

Pekeliling ini terpakai kepada semua pemegang Kelas Lesen Pembawa C yang berlesen dengan LPKP Sarawak.

“MALAYSIA MADANI”

“BERKHIDMAT UNTUK NEGARA”

Saya yang menjalankan amanah,



(CORNELIA WONG CHUI)

Setiausaha

Lembaga Pelesenan Kenderaan Perdagangan Sarawak

Tarikh : **31 Oktobe/2025**

s.k. Ketua Setiausaha, Kementerian Pengangkutan Malaysia
Setiausaha Tetap, Kementerian Pengangkutan Sarawak
Pesuruhjaya Polis Sarawak
Pengarah, Jabatan Pengangkutan Jalan Negeri Sarawak
Pusat Pemeriksaan Kenderaan Motor (PPKM)